



საქართველოს კომუნიკაციების ეროვნული კომისია

გადაწყვეტილება

N გ-19-2/328
30/05/2019

328-შ-19-1-4-201905301400



შპს „ემ ეს გრუპის“ კერძო რადიომაუწყებლობის №B194 ლიცენზიის მოდიფიცირებისა და კომისიის 2017 წლის პირველი ივნისის №378/1 გადაწყვეტილებაში ცვლილებების შეტანის შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას მიმართა შპს „ემ ეს გრუპმა“ (№შ-19-6/1059, 14.03.2019), მისი კუთვნილი მაუწყებლობის №B194 ლიცენზიის მოდიფიცირების თხოვნით. კერძოდ, შპს „ემ ეს გრუპი“ ითხოვს ქ. თბილისში კუთვნილი კერძო მაუწყებლობის №B194 ლიცენზიით გათვალისწინებული სიხშირული რესურსის ახალი კენტი სიხშირით შეცვლას. როგორც წერილშია აღნიშნული მათი როგორც რადიომაუწყებლის მთავარი მიზანია იყვენენ სმენადები რადიომსმენელთა სეგმენტისთვის, რომელთა დიდი ნაწილი არიან ავტომანქანის მფლობელები. იმ ფაქტის გათვალისწინებით, რომ არსებული სიხშირული რესურსით (90.8 მჰც) ავტომანქანის მფლობელთა დაახლოებით 70%-ს არ აქვს წვდომა მათ რადიო არხზე, ისინი თანაბარ და კონკურენტულ გარემოში ვერ ახდენენ მაუწყებლობას, რაც მათთვის არასასურველ შედეგებს გამოიწვევს. ამდენად შეიქმნა იმის აუცილებლობა, რომ მაუწყებელმა მოითხოვა ლიცენზიის მოდიფიცირება და სიხშირის შეცვლა ალტერნატიული კენტი სიხშირით.

კომისია აღნიშნავს, რომ შპს „ემ ეს გრუპი“ ფლობს კერძო მაუწყებლობის №B194 ლიცენზიას, კომისიის 2017 წლის პირველი ივნისის №378/1 გადაწყვეტილებით განსაზღვრული შემდეგი სალიცენზიო პირობებით:

- ა) ლიცენზიის სახე: რადიომაუწყებლობა;
- ბ) ლიცენზიის სახეობა: კერძო მაუწყებლობა;
- გ) ლიცენზიის ქვესახეობა: სპეციალიზებული (სამედიცინო/გასართობი) რადიომაუწყებლობა;
- დ) მაუწყებლობის ენა: ქართული, ინგლისური, რუსული, აფხაზური;
- ე) ლიცენზიის მოქმედების ვადა: 2027 წლის 1 ივნისის ჩათვლით;
- ვ) გეოგრაფიული ზონა: გადამცემი სადგურის ტექნიკური პარამეტრების შესაბამისი მომსახურების სახმელეთო ტერიტორია, რომელიც პირობითად შემოსაზღვრულია ამ ტერიტორიაზე განთავსებული სადგურის მიერ შექმნილი სამაუწყებლო დონის სიგნალის ზღვრული მინიმალური მნიშვნელობის მქონე წერტილთა ერთობლიობის მომვლებით;
- ზ) მაუწყებლობის გავრცელების ტექნოლოგია და ტექნიკური პარამეტრები:

| გადამცემის და ანტენის განთავსების ადგილი | სიხშირე (მჰც) | მოდულაცია | პოლარობა V/H | გასხივება | გადამცემის სიმძლავრე (ვტ) | გეოგრაფიული კოორდინატები | ანტენის დაკიდების სიმაღლე მიწის ზედაპირიდან (მ) | ანტენის გაბლიერების კოეფიციენტი (დბ) |
|--|---------------|-----------|--------------|-----------|---------------------------|-------------------------------|---|--------------------------------------|
| თბილისი სატელევიზიო ანძა | 90.8 | FM | V | წრიული | 1000 | 41°41'44.70"N 44°47'6.40"E | 140 | 5 |



ზემოაღნიშნული გადამცემი სადგურის განთავსება შესაძლებელია მითითებული კოორდინატის მიმართ 500მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).

კომისია აღნიშნავს, რომ კომისიის 2019 წლის 23 აპრილის №263/23 გადაწყვეტილებით დაიწყო საჯარო ადმინისტრაციული წარმოება შპს „ემ ეს გრუპის“ კერძო რადიომაუწყებლობის №B194 ლიცენზიის მოდიფიცირებისა და კომისიის 2017 წლის პირველი ივნისის №378/1 გადაწყვეტილებაში ცვლილებების შეტანის მიზნით. ზეპირი მოსმენის თარიღად განისაზღვრა 2019 წლის 30 მაისის 15:00 საათი, ხოლო გადაწყვეტილების მიღების ვადად ზეპირი მოსმენის ჩატარებიდან 10 სამუშაო დღე.

კომისია აღნიშნავს, რომ 2019 წლის 30 მაისის ზეპირი მოსმენის სხდომას ესწრებოდა შპს „ემ ეს გრუპის“ წარმომადგენელი თეკლა კაკულია.

კომისიის სხდომაზე აღინიშნა, რომ კომისიის აპარატის რადიოსიხშირული სპექტრის მართვის დეპარტამენტის მიერ წარმოდგენილი სამსახურეობრივი ბარათის (№შ-19-10/528 22/03/2019) თანახმად სიხშირის შეცვლა შესაძლებელია ახალი კენტი სიხშირით (95.9 მჰც) ლიცენზიაში განსაზღვრული ყველა სხვა ტექნიკური პარამეტრის შენარჩუნებით. სხდომაზე ასევე აღინიშნა, რომ 2019 წლის 19 აპრილის წერილით (№შ-19-6/1801), შპს „ემ ეს გრუპმა“ თანხმობა განაცხადა კომისიის მიერ შეთავაზებული სიხშირით მაუწყებლობაზე.

კომისია აღნიშნავს, რომ „მაუწყებლობის შესახებ“ საქართველოს კანონის 45-ე მუხლის პირველი პუნქტის შესაბამისად, ლიცენზიის მოდიფიცირების საფუძველი შეიძლება იყოს:

- ა) საქართველოს კანონმდებლობაში ან მაუწყებლობის სფეროს პრიორიტეტებში ცვლილებების ან/და დამატებების შეტანა;
- ბ) კომისიის ან ლიცენზიის მფლობელის დასაბუთებული მოთხოვნა ლიცენზიაში ცვლილებების ან/და დამატებების შეტანის თაობაზე.

კომისია აღნიშნავს, რომ ლიცენზიის, ამავე ლიცენზიის მფლობელის განცხადების საფუძველზე მოდიფიცირების მოთხოვნის შემთხვევაში, კომისია ხელმძღვანელობს „მაუწყებლობის შესახებ“ საქართველოს კანონის 45-ე მუხლის მე-3 პუნქტით, რომლის შესაბამისადაც, აკრძალულია საეთერო მაუწყებლობის ლიცენზიის იმგვარად მოდიფიცირება, რომელიც გამოიწვევს ლიცენზიის სახეობის შეცვლას ან ლიცენზიით განსაზღვრული სამოქმედო ზონის სიდიდის ცვლილებას.

ზემოაღნიშნულიდან გამომდინარე, კომისიას მიაჩნია, რომ ლიცენზიის მფლობელის მოთხოვნა არ ეწინააღმდეგება საქართველოს კანონმდებლობას. კერძოდ, სახეზეა „მაუწყებლობის შესახებ“ საქართველოს კანონის 45-ე მუხლის პირველი პუნქტის ბ) ქვეპუნქტით გათვალისწინებული შემთხვევა: ლიცენზიის მფლობელის დასაბუთებული მოთხოვნა ლიცენზიაში ცვლილებების ან/და დამატებების შეტანის თაობაზე; ამავე დროს, შპს „ემ ეს გრუპის“ კერძო მაუწყებლობის №B194 ლიცენზიის მოდიფიცირების შემთხვევაში არ დაირღვევა „მაუწყებლობის შესახებ“ საქართველოს კანონის 45-ე მუხლის მე-3 პუნქტით დადგენილი შეზღუდვა.

„მაუწყებლობის შესახებ“ საქართველოს კანონის 38-ე მუხლის მე-9 პუნქტის შესაბამისად, მაუწყებლობის სფეროში ლიცენზიის მოდიფიცირება ხორციელდება საჯარო ადმინისტრაციული წარმოების წესით.

ყოველივე ზემოაღნიშნულის გათვალისწინებით, კომისიამ „მაუწყებლობის შესახებ“ საქართველოს კანონის 38-ე მუხლის მე-9 პუნქტის, 45-ე მუხლის პირველი პუნქტის ბ) ქვეპუნქტის, საქართველოს ზოგადი ადმინისტრაციული კოდექსის 63-ე და 115-ე მუხლების შესაბამისად, კენჭისყრის შედეგად, ერთხმად

გ ა დ ა წ ყ ვ ი ტ ა :

1. მოდიფიცირდეს შპს „ემ ეს გრუპის“ კერძო რადიომაუწყებლობის №B194 ლიცენზია, შევიდეს ცვლილება კომისიის 2017 წლის პირველი ივნისის №378/1 გადაწყვეტილებაში და გადაწყვეტილების პირველი პუნქტის ზ) ქვეპუნქტი ჩამოყალიბდეს შემდეგი რედაქციით:

ზ) მაუწყებლობის გავრცელების ტექნოლოგია და ტექნიკური პარამეტრები:

| გადამცემის და ანტენის განთავსების ადგილი | სიხშირე (მჰც) | მოდულაცია | პოლარიზაცია V / H | გასხივება | გადამცემის სიმძლავრე (ვტ) | გეოგრაფიული კოორდინატები | ანტენის დაკიდების სიმაღლე მიწის ზედაპირიდან (მ) | ანტენის გაბლიერების კოეფიციენტი (დბ) |
|--|---------------|-----------|-------------------|-----------|---------------------------|-------------------------------|---|--------------------------------------|
| თბილისის სატელევიზიო ანძა | 95.9 | FM | V | წრიული | 1000 | 41°41'44.70"N 44°47'6.40"E | 140 | 5 |

ზემოაღნიშნული გადამცემი სადგურის განთავსება შესაძლებელია მითითებული კოორდინატის მიმართ 500მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).

2. დაევალოს კომისიის აპარატის ლიცენზირების, ავტორიზაციისა და ნებართვების დეპარტამენტს (მ. ქადეიშვილი):

ა) სათანადო მონაცემების კომისიის სალიცენზიო რეესტრში შეტანა;

ბ) სალიცენზიო მოწმობის გაცემის უზრუნველყოფა;

გ) ლიცენზიის მოდიფიცირების თაობაზე ინფორმაციის სსიპ „საქართველოს საკანონმდებლო მაცნეში“ გაგზავნის უზრუნველყოფა;

3. დაევალოს კომისიის აპარატის ადმინისტრაციას (ი. ვოტ):

ა) აღნიშნული გადაწყვეტილების დამოწმებული ასლის შპს „ემ ეს გრუპისთვის“ გაგზავნა;

ბ) აღნიშნული გადაწყვეტილების კომისიის ოფიციალურ ვებ-გვერდზე (www.gncc.ge) გამოქვეყნება;

4. გადაწყვეტილება ძალაში შევიდეს მისი დამოწმებული ასლის შპს „ემ ეს გრუპისთვის“ ჩაბარების დღიდან;

5. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ კოლეგიაში (ქ. თბილისი, დავით აღმაშენებლის ხეივანი მე-12 კმ. N6)

შპს „ემ ეს გრუპისთვის“ ჩაბარებიდან ერთი თვის ვადაში;

6. კონტროლი აღნიშნული გადაწყვეტილების პირველი პუნქტის შესრულებაზე დაევალოს კომისიის აპარატის სიხშირული სპექტრის მართვის დეპარტამენტს (ლ. ლაშქარავა);

7. კონტროლი აღნიშნული გადაწყვეტილების შესრულებაზე (პირველი, მე-3 პუნქტის გარდა) დაევალოს კომისიის აპარატის ლიცენზირების, ავტორიზაციისა და ნებართვების დეპარტამენტს (მ. ქადეიშვილი).

კომისიის წევრი

გიორგი ფრუიძე

კომისიის წევრი

ელისო ასანიძე

კომისიის წევრი

ვახტანგ აბაშიძე

კომისიის წევრი

კახი ბექაური

კომისიის თავმჯდომარე